

草
草芳

卷十四

本草綱目
出

本草綱目草部目錄卷十四

草之三 芳草類五十六種

當歸 本經
芎藭 本經
蘼蕪 本經

蛇牀 本經
藁本 本經 徐黃附
蜘蛛香 綱目

白芷香 本經
芍藥 本經
牡丹 本經 鼠姑附

木香 本經
白松香 開寶
山柰 綱目

廉薑 拾遺
杜若 本經
山薑 藥性

高良薑 別錄 卽紅豆蔻
豆蔻 別錄 卽草果
白豆蔻 開寶

縮砂礬 開寶
益智子 開寶
葶菱 開寶

蒟醬

唐本

肉豆蔻

唐本

補骨脂

開寶卽破故紙

薑黃

唐本

鬱金

唐本

蓬莪茂

開寶

荊三稜

開寶

荔枝香附子

別錄

瑞香

綱目

茉莉

綱目

素馨附

鬱金香

開寶

茅香

開寶

白茅香

拾遺

排草香

綱目

迷迭香

拾遺

藹車香

拾遺

艾納香

開寶

兜納香

海藥

線香

綱目

藿香

嘉祐

薰草零陵香

別錄

蘭草

本經

澤蘭

本經

馬蘭

日華

香薷

別錄

石香薷

開寶

爵牀

本經

赤車使者 唐本
假蘼荊芥 本經
薄荷 唐本

積雪草 本經
蘼 別錄
荏 別錄
即白蘼

水蘼 本經
即雞蘼
薺薺 拾遺
石薺薺附

右附方舊八十一新三百七十一

此页文字模糊，疑似为古籍残卷或影印不清之文本。可见部分文字如“市州”、“大”、“小”、“年”等，但整体内容无法辨识。

本草綱目草部卷十四

草之三 芳草類五十六種

當歸

本經中品

釋名乾歸

本經

山蘄

爾雅

白蘄

爾雅

文無

綱目

頌曰

按爾

雅

薛白蘄薛音百蘄即古芹字郭璞註云當歸也似
芹而粗大許慎說文云生山中者名蘄一名山蘄
然則當歸芹類也在平地者名芹生山中粗大者
名當歸也宗奭曰今川蜀皆以畦種尤肥好多脂
不以平地山中為等差也時珍曰當歸本非芹類
特以花葉似芹故得芹名古人娶妻為嗣續也當
歸調血為女人要藥有思天之意故有當歸之名
正與唐詩胡麻好種無人種正是歸時又不歸之
旨相同崔豹古今注云古人相贈以芍藥相招以
文無文無一名當歸芍藥一名將離故也承曰當

歸治妊婦產後惡血上衝倉卒取效氣血昏亂者服之卽定能使氣血各有所歸恐當歸之名必因此出也

集解

別錄曰當歸生隴西川谷二月八月采根墜乾弘景曰今隴西四陽黑水當歸多肉少枝氣香名馬尾當歸西川北部當歸多根枝而細歷陽所出者色白而氣味薄不相似呼爲草當歸缺少時亦用之恭曰今出當州宕州翼州松州以宕州者最勝有二種一種似大葉芎藭者名馬尾當歸今人多用一種似細葉芎藭者名蠶頭當歸卽陶稱歷陽者不堪用莖葉並卑下於芎藭頌曰今川蜀陝西諸郡及江寧府滁州皆有之以蜀中者爲勝春生苗綠葉有三瓣七八月開花似蔣蘿淺紫色根黑黃色以肉厚而不枯者爲勝時珍曰今陝蜀秦州汶州諸處人多栽蔣爲貨以秦歸頭圓尾多色紫氣香肥潤者名馬尾歸此勝他處頭大尾粗色白堅枯者爲蠶頭歸止宜入發散藥爾韓

秦產者力柔而善補是矣

根修治

破血頭尾效各不同若以酒浸一宿入藥止血

節硬實處若要不使痛止血即尾若一併用服食

無效不如不使惟單使妙也元素曰頭止血尾破

血身和血全用即一破一止也先以水洗淨土治

上酒浸治外酒洗過或火乾日乾入藥果曰頭止

血而上行身養血而中守梢破血而下流全活血

而不走時珍曰雷張二氏所說頭尾功效各異凡

物之根身半已上氣脈上行法乎天身半已下氣

不

中當用身治下當用尾通治則全用乃一定之理

也當以張氏之說為優凡晒乾乘熱紙封甕收之

氣味苦溫無毒

別錄曰辛大溫普曰神農黃帝桐
若扁鵲甘無毒岐伯雷公辛無毒

李當之小溫（杲曰）甘辛溫無毒氣厚味薄可升可降陽中微陰入手少陰足太陰厥陰經血分之才（日）惡蒿茹濕麩畏菖蒲
海藻牡蛎生薑制雄黃

主治欬逆上氣溫瘧寒熱洗洗在皮膚中婦人漏

下絕子諸惡瘡瘍金瘡煮汁飲之

本經

溫中止痛除

客血內塞中風痙汗不出濕痺中惡客氣虛冷補

五臟生機肉

別錄

止嘔逆虛勞寒熱下痢腹痛齒痛

女人瀝血腰痛崩中補諸不足

甄權

治一切風一切

氣補一切勞破惡血養新血及癥癖腸胃冷

大明治

頭痛心腹諸痛潤腸胃筋骨皮膚治瘡疽排膿止

痛和血補血

時珍

主痿痺嗜臥足下熱而痛衝脈爲

痛氣逆裏急帶脈爲病腹痛腰溶溶如坐水中

古好

發明

權曰患人虛冷者加而用之承曰世俗多謂

惟能治血而金匱外臺千金諸方皆爲人補
不足決取立效之藥古方用治婦人產後惡血上
衝取效無急於此凡氣血昏亂者服之卽定可以
補虛備產後要藥也宗奭曰藥性論補女子諸不
足一說盡當歸之用矣成無已曰脈者血之府諸
血皆屬心凡通脈者必先補心益血故張仲景治
手足厥寒脈細欲絕者用當歸之苦溫以助心血
元素曰其用有三一心經本藥二和血三治諸病
夜甚凡血受病必須用之血壅而不流則痛常歸
之甘溫能和血辛溫能散內寒苦溫能助心散寒
使氣血各有所歸好古曰入手少陰以其心生血
也入足太陰以其脾裹血也入足厥陰以其肝藏
血也頭能破血身能養血尾能行血全用同人參

黃芪則補氣而生血同牽牛大黃則行氣而補血
從桂附茱萸則熱從大黃芩消則寒佐使分定用
者當知酒蒸治頭痛諸痛皆屬木故以血藥主之
棧曰治頭痛酒煮服清取其浮而上也治心痛酒
調末服取其濁而半沉半浮也治小便出血用酒
煎服取其沈入下極也自有高低之分如此王海
藏言當歸血藥如何治胸中欬逆上氣按當歸其
味辛散乃血中氣藥也况欬逆上氣有陰虛陽無
所附者故用血藥補陰則血和而氣降矣韓愈曰
當歸主血分之病川產力剛可攻秦產力柔宜補
凡用本病宜酒制有痰以薑制導血歸源之理血
虛以人參石脂爲佐血熱以生地黃條芩爲佐不
絕生化之源血積配以大黃要之血藥不容舍當
歸故古方四物湯以爲君芍藥爲臣地黃爲佐芩
薊爲使也

附方

舊八新
一十九

血虛發熱

當歸補血湯治肌熱燥熱
困湯引飲目赤面紅晝夜

不息其脈洪大而虛重按全無力此血虛之候也
得於飢困勞役證象白虎但脈不長實為異耳若
誤服白虎湯即死宜此主之當歸身酒洗二錢綿
黃芪蜜炙一兩作一服水二鍾煎一鍾空心溫服
日再服
垣蘭室秘藏 失血眩運 凡傷胎去血產後去血崩
血一切去血過多心煩眩運悶絕不省人事當歸
二兩芎藭第一兩每用五錢水七分酒三分煎七分
熱服日再服
婦人良方 衄血不止 當歸焙研末每服一小便出
血 當歸四兩剉酒三升 頭痛欲裂 當歸二兩酒一
煮取一升頓服肘後 補氣養血用當歸生晒六
之日再服
外臺秘要方 內虛目暗 兩附子火炮一兩為末煉
蜜丸梧子大每服三十丸溫酒下
酒下名六一丸 聖濟總錄 心下痛刺 酒服方寸
七 必 手 臂 疼痛 當歸三兩切酒浸三日溫飲之
效方 飲盡別以三兩再浸以瘥為度

事林

廣記

溫瘧不止

當歸一兩水煎飲日
聖濟總錄

久痢不止

當歸二兩吳茱萸一兩同炒香去萸不用為末蜜

丸梧子大每服三十丸米飲下各勝金丸 普濟

方大便不通 當歸白芷等分為末每服 婦人百病

諸虛不足者當歸四兩地黃二兩為末蜜丸梧

子大每食前米飲下十五丸 大醫支法存方 月

經逆行 從口鼻出先以京墨磨汁服止之次用當

其經即通 室女經閉 當歸尾沒藥各一錢為末紅

簡便方 普濟 婦人血氣 臍下氣脹月經不利血氣二攻欲

濟方 二錢為末煉蜜丸梧子大每 墮胎下血 不止當歸

服十五丸溫酒下 永類方 白一握每服五錢酒一盞半

煎八分溫服 聖濟總錄 妊娠胎動 神妙佛手

散治婦人

妊娘傷動或子死腹中血下疼痛口噤欲死腹此
探之不相損則痛止已損便立下此乃徐手神驗方
也當歸二兩芎藭一兩為粗末每服三錢水一盞
煎令泣泣欲乾投酒一盞再煎一沸溫服或灌之
如人行五里再服不過三五
產難胎死橫生倒生
服便效張文仲備急方
兩芎藭一兩為末先以大黑豆炒焦入流水一盞
童便一盞煎至一盞分為二服未效再服婦人
良方
倒產子死不出當歸末酒服方
產後血脹腹痛
引脇

當歸二錢乾薑炮五分為末每服三錢水一
盞煎八分入鹽酢少許熱服婦人良方
產後

腹痛如絞當歸末五錢白蜜一合水一盞煎
產後

自汗壯熱氣短腰脚痛不可轉當歸三錢黃芪白
芍藥酒炒各二錢生薑五片水一盞半煎七

分溫服
和劑局方
產後中風不省人事口吐涎沫手足瘡
癰當歸荆芥穗等分為末每

服二錢水一盞酒少許童尿少許煎七
分灌之下咽即有生意神效
聖惠方
小兒胎寒

好啼晝夜不止因此處癰當歸末一小豆
大以乳汁灌之日夜三四度
肝後方
小兒疳

濕
不早治成癰風或腫赤或出水用當歸末傳之
一方入麝香少許一方用胡粉等分試之最驗

若愈後因尿入復作
湯火傷瘡
肌拔熱止痛當歸

黃蠟各一兩麻油四兩以油煎當歸焦黃去
滓細蠟攪成膏出火毒攤貼之
和劑局方
白黃

色枯
舌縮恍惚若語亂者死當歸白朮二兩
水煎入生芩汁蜜和服
三十六黃方

芎藭
音穹窮
本經上品

釋名
胡藭
別錄
川芎
綱目
香果
別錄
山鞠窮
綱目
時珍曰

義未詳或云人頭穹窿窮高天之象也此藥上行
專治頭腦諸疾故有芎藭之名以胡戎者為佳故

曰胡薺古人因其根節狀如馬銜謂之馬銜薺後世因其狀如雀腦謂之雀腦薺其出關中者呼爲京薺亦曰西薺出蜀中者爲川薺出天台者爲台薺出江南者爲撫薺皆因地而名也左傳楚人謂蕭人曰有麥麴乎有山鞠窮乎河魚腹疾奈何二物皆禦濕故以諭之丹溪朱氏治六鬱越鞠丸中用越桃鞠窮故以命名

金光明經謂之闇莫迦

集解

別錄曰薺薺葉名薺薺生武功川谷斜谷西嶺三月四月采根暴乾晉曰薺薺或生胡無

桃山陰或泰山葉細香青黑文赤如藁本冬夏叢生五月花赤七月實黑附端兩葉三月采根有節如馬銜弘景曰武功斜谷西嶺俱近長安今出歷陽處處亦有人家多種之葉似蛇牀而香節太莖細狀如馬銜謂之馬銜薺蜀中亦有而細恭曰今出秦州其歷陽出者不復用其人間種者形塊大重實多脂山中采者瘦細味苦辛以九月十月采之爲佳若三月四月虛惡非時也頌曰關陝川

蜀江東山中多有之而以蜀川者爲勝四五月生
葉似水芹胡荽蛇牀輩作叢而莖細其葉倍香江
東蜀人采葉作飲七八月開碎白花如蛇牀子花
根堅瘦黃黑色關中出者形塊重實作雀腦狀者
爲雀腦芎最有方時珍曰蜀地少寒人多栽蔣深
秋莖葉亦不萎也清明後宿根生苗分其枝橫埋
之則節節生根入月根下始結芎藭乃可掘取蒸
暴貨之救荒本草云葉似芹而微細窄有丫叉文
似白芷葉亦細又似胡荽葉而微壯一種似蛇牀
葉而亦粗嫩葉可煉食宗奭曰凡用以川中大塊
裏色白不油嚼之微辛甘者佳他種
不入藥止可爲末煎湯沐浴而已

根氣味辛溫無毒

晉曰神農黃帝岐伯雷公辛無毒扁鵲酸無毒李當之生溫熟

寒元素曰性溫味辛苦氣厚味薄浮而升陽也少
陽本經引經藥入手足厥陰氣分之才已白芷爲
之使畏黃連伏雌黃得細辛療
金瘡止痛得牡蠣療頭風吐逆

主治中風入腦頭